



*Comme Dauid entre en la grace de Saül, par le moyen
du ieu de la harpe.*

LESPRIT du Seigneur se retira du Roy Saül, & le mauuais esprit le tourmentoit par le vouloir du Seigneur, à cause de quoy ses seruiteurs s'aduiferent de trouuer quelque bon joüeur de harpe, afin que quand l'esprit mauuais auroit pris le Roy pour le tourmenter, qu'il joüast de sa main deuant luy, & que son mal se passast plus legerement. Et le Roy commanda d'y pouruoir en diligence, ce qui fut fait par l'un de ses seruiteurs, qui dit; l'ay veu le fils d'Isay qui sçait bien joüer de la harpe, & est fort puissant homme de guerre, prudent en parole, & bel homme, ayant l'esprit du Seigneur. Saul doncques renuoya ses Messagers à Isay, disant; Enuoye-moy ton fils Dauid qui est aux pastures. Ainsi vint Dauid vers Saul, qui l'ayma fort, & le fit son Escuyer, car il trouua grace deuant luy. Et toutes les fois que le Roy Saul estoit tourmenté du malin esprit, Dauid se tenant de bout deuant Saul, touchoit la harpe avec telle harmonie, que le Roy en estoit tout recreé, & se portoit mieux, car l'esprit mauuais se retiroit de luy.